



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Henrici || Svsonis Viri Sanctita-||te, Ervditione Et  
Mi-||racvlis Clari, Opera**

**Seuse, Heinrich**

**Coloniae, 1615**

Quænam afflictiones homini plus vtilitatis, & Deo maiorem gloriam  
adferant. Capvt XLII.

**urn:nbn:de:hbz:466:1-38029**

Quanam afflictiones homini plus vtilitatis, &  
Deo maiorem gloriam ad-  
ferant.

## CAPVT XLII.

Post hæc virgo illa sancta his Ministrum  
quæstionibus pulsauit: Vellem, ait, nôsse,  
quæ cruces homini imprimis conducibili-  
les, Deo maximæ sint laudi & honori. Ad quã  
Minister: Multiuariæ, inquit, sunt afflictiones,  
quæ hominem præparent, eique viam muniãt  
ad ipsius æternam beatitudinem, si modò rectè  
eis vti nôrit. Interdum permittit Deus euenire  
homini diras vexationes absque illius deme-  
rito: quibus sanè vel probare eum vult, quam  
sit constans, aut illi indicare quid habeat ex se-  
ipso, cuiusmodi multa leguntur exempla in  
veteri Testamento: aut certè in ijs Deus suam dũ-  
taxat laudem spectat & gloriam, vt habet Eu-  
angelium de Cæco nato, quem Christus inno-  
xium affirmavit, & illi visum dedit. Quidam  
ita affliguntur, vt tamen benè commeruerint,  
quemadmodum latro ille cum Christo cruci-  
fixus, cui Dominus beatitudinem promisit ob  
integram illam suã ad ipsum in cruce conuer-  
sionem. Quorundam afflictiones immeritæ  
sunt, quantum ad presentis vexationis causam  
attinet, & tamen culpa non carent, propter  
quam Deus eis permittit aduersa accidere, vt  
est frequens admodum & vsitatum, vt omni-  
potens Deus nimiam superbiam premat, ho-  
minemque ea infectum, ad seipsum reducat,  
eius animi tumorem grauiter compescendo ac

Ut quid etiam  
abiq, deme-  
rito suo quis-  
piam diuexe-  
tur aduersis,  
Ioan 9.

Luc. 23.

Qq 3

humi-

humiliando, idque eiusmodi aliqua re, in  
 ille nihil fortassis mali commeruit. Alia  
 afflictiones, quas Deus ex sua benevolentia  
 buisdam occurrere patitur, ut per has à manibus  
 seruentur, ut fit illis, qui hic suum fenum  
 purgatorium, dum morbis, ac inopia, aut  
 id genus malis castigantur, quo careant ut per  
 molestioribus: vel quos finit Deus à diabolo  
 exercitari hominibus, ut in morte nihil  
 cesse habeant monstruosos illos demonum  
 tneri vultus. Nonnulli ex ardentissimo amore  
 patiuntur. Sunt etiam in hoc seculo compatiuntur.  
 inanes ac desolatæ afflictiones, quas illos  
 necesse est, qui Mundo in illis qua  
 sunt, volunt satisfacere, qui proculdubio  
 nas inferorum multo sibi dolore & labore  
 mercantur, quod sanè possit consolari homines  
 pios in ipsorum afflictionibus. Sunt autem  
 quos crebrò DEVS intus admonet, ut se in  
 gro corde ad ipsum conuertant, quod ipse  
 piat familiarem se exhibere, qui tamen sua  
 curia illi resistent. Hos interdum DEVS per  
 afflictiones ad se trahit, ut quocunque se ve  
 tant, quò DEVM possint effugere, Deo permit  
 tente non nisi aduersam fortunam multaque  
 seculi incommoda illius commodis permuta  
 ta, experiantur: atque hoc ipso ceu per te  
 pillos apprehensos addò retinet, ut ex  
 manibus elabi non possint. Denique multa  
 reperias licet, qui nihil patientur aduersitate  
 si quatenus ipsi sibi crucem fabricant, cum  
 magnipendunt ea, quæ nullius sunt momenti.  
 Id quod re ipsa didicit olim quidam gra  
 uiter afflicus, dum transiret ædes quasdam  
 & 10

Mundi secta  
 tores inani  
 bus etiam af  
 flictionibus  
 aucti.

OTV  
 45

& audiret foeminam miserè lachrymantem. Cum enim illius consolandi gratia in domum ingressus esset, percontabatur, quid ita graviter ipsam cruciaret. At illa respondente, quòd acum perditam recuperare non posset, ille mox egressus, ita secum cogitabat: O fatua mulier, si vnam ex meis fascibus in tuos leuasses humeros, non plangeres amissam acum. Ita delicatuli quidam diuersis ex causis sibi crucem fingunt, vbi tamen non est. Praclarissima verò & præstantissima crux est afflictio Christi formis, qualem suo imposuit filio Deus pater, hodieque imponere solet charissimis amicis suis. Non quòd quisquam præter solum Dominum Iesum omninò sit absque culpa. Sed quemadmodum Christus sua passione instar ouis à lupis circumdatæ mansuetissimū se exhibuit, ita etiam præcipuis amicis suis immanes imponit cruces, vt nos impatiētes, ex illis præclaris hominibus discamus pati æquanimiter, & benigno corde vincere in bono malum. Hęc ergo omnia consideres filia, nec inuita feras, cruces tuas. Nā vndecunq; accidat crux, potest homini esse utilis si ritè eam omnem nòrit ex manibus Dei suscipere, in Deumque referre & per illum superare. Ait aut ad illū virgo: Crux illa præstantissima, de qua iam postremo dixisti Pater, cū quis præter culpā suā patitur, paucorum sanè est. Velim igitur institui, vt homo culpis obnoxius & reus afflictiones suas ex Dei auxilio debeat vincere. Is enim dupliciter affligitur, tum quòd Deum offenderit, tū quòd toris cruciatur. Respondit Minister: Id quoque sunc expediā. Noui ipse hominē quēdam, qui

Cruce præclarissima qua.

Notri causa optimis quibusque Dei amicis crucis immitti.

Homo culpā obnoxius vt suas felicitates afflictiones queat superare.

libet Qq 4 hunc

hunc seruabat morem, vt si ex humana fragilitate culpam pœna dignam admisisset, lotum sedulam imitaretur, & sicut hæc vestimenta prius smigmate lota, postmodum mundas adducit aquas, ijsque sordes omnes profusus eluit, ita & ipse nunquam quiesceret donec preciosi sanguinis Christi pro consolatione & subsidio reorum omnium ineffabilem cum amore profusi, ac ex eius vulneribus decurrentis, copiosum sibi spiritaliter obtineret profluuium. Atque in eodem feruente sanguine se sordelque suas abluebat, atque in illis lutari cruentoque riuulo totum se lauabat, perindè vt solent infantiuli in calidis lauari balneis. Idque faciebat magna animi deuotione, cum firma & indubitata fide catholica coniuncta: confidens in illo precioso sanguine eius omnipotentis virtute ab omni se peccato & reatu expiatum iri. Siue ergo cum suo demerito, vel præter demeritum pateretur, tempore hunc ille tenebat morem apud Deum.

*Vt quosdam Mundo addictos, ab rerum labentium amore abstraxerit, & ad Dei amorem pertraxerit.*

## CAPVT XLIII.

**E**O tempore, quo se Minister serij accommodabat, vt homines ab amore caduco ad DEVM reuocaret, aduertit in quibusdam cœnobijs eius generis versari homines, qui sub habitu religioso corda gererent mundana. In his vna erat amoris illicito admodum dedit,

Toxicum Religionis quod.